



পোয়া-মাইয়া অলর লাই বাইবেল  
যে প্রকাশ গইজে

ঈশ্বর যেতে বেক কছি তৈয়ার  
গইজে



যে লেইফ্ৰে: Edward Hughes

যে ছবি আইফ্ৰে: Byron Unger; Lazarus  
Alastair Paterson

যে সম্পাদন গইজ্জ: Bob Davies; Tammy S.

যে অনুবাদ গইজ্জ: Adlina

যে পরিচালনা গইজ্জ: Bible for Children  
[www.M1914.org](http://www.M1914.org)

©2023 Bible for Children, Inc.

বিশেষ সাবধানর কতা: এই বই ইবা বেচিবারলাই নয়, কিন্তু ইবা ছাপাইবার,  
ইলেকট্রনিকস, রেকর্ড গরিবার আর হুবহু লেখিবার অনুমতি দন গেইয়ে।



কন আৱাৰে তৈয়াৰ গইজ্জে? মাইনষৰ শুৰু কেনগৰি ঈশ্বৰৰ কতা বাইবেলে  
ইয়ান আৱাৰে কয়। বহুত বছৰ আগদী ঈশ্বৰ পইল্লা মানুষ তৈয়াৰ গৰি ইবাৰ নাম  
দিইলদে আদম। ঈশ্বৰ আদমৰে এই দুনিয়াৰ ধুইল দিয়েনে তৈয়াৰ গইজ্জে।

যেতে ঈশ্বৰ আদমৰ ভিতৰে পৰান বাতাস ঢুকাই দিয়ে,  
হেতে আদম পৰান পাইয়ে। এদন নামে এককান

সুন্দৰ বাগানৰ ভিতৰে  
ইতাৰে রাখা হইয়ে।




ঈশ্বর আদমরে তৈয়ার গরিবার আগদ্বী সুন্দর সুন্দর জিনিষ দিয়েনে ঈশ্বর এই  
দুনিয়ারে অসম্ভব সুন্দর গরি সাজাই তুইল্লে। আঙে আঙে গরি ঈশ্বর বেয়াক  
পাহাড়ী জায়গা, সমান জায়গা, গন্ধওয়লা ফুল, আর লাম্বা লাম্বা গাছ, ফররনান  
পাখনাওয়লা পাখী আর বোঁ বোঁ গরেদে মৌমাছি, পানির মইদ্যে গড়াগড়ি গরে  
দে বড় তিমি মাছ আর পিছলা রকম শামুক তৈয়ার গইজ্জে।

আসল কতা হইয়েদে ঈশ্বর পৃথিবীর মইদ্যে যা কিছু  
আছে বেক কচ্ছি তৈয়ার  
গইজ্জে-একবারে বেক কিছু।




দুনিয়ার শুরুত, ঈশ্বর কো কিছু  
তৈয়ার গরিবার আগে ঈশ্বর  
বাদে কোন কিছু নো আছিল।  
নোআছিল মানুষ নো আছিল  
কোন জাগা, আর জিনিষ পতুরা।  
একবারে কোন কিছু  
নয়। ফরও নয় আঁধারও নয়,  
নয় উদ্দী নয় নীচন্দী নয়। নয়  
গত কাইল, নয় আজোয়া  
একমাত্র ঈশ্বর আছিল। যার  
শুরু নো আছিল এতে ঈশ্বরই  
কাজ গইজে।



দুনিয়ার শুরুত ঈশ্বর আকাশ আর  
দুনিয়া তৈয়ার গইজে।



আর এই দুনিয়ার কোনো ধরন নো আছিল।  
এক্বেবারে খালি আছিল। আর  
উঅরে বেককিছু আঁধারত  
ঢাহা আছিল। হেত্তে  
ঈশ্বর কইয়েদে  
“ফর হইবাল্লাই।”




আর এতে ফল হইয়ে। ঈশ্বর ফরর নাম দিয়েদে দিন আর আঁধারর নাম দিয়েদে  
রাইত। এনগরি সইক্ষ্যা গেইয়ে, বেয়নও গেইয়ে। ইবা আছিল দে পইলা দিন।





দ্বিতীয় দিনত ঈশ্বর আকাশৰ নীচেদি নদী, সাগৰ আৰু দইজ্জাৰ পাৰৰ পানি  
একান্দি জমা গইজে। তৃতীয় দিনত ঈশ্বর কইয়েদে হুয়ানা জাগা দেহা জোকা  
আৰু ইয়ান হইয়ে।



ঈশ্বর আরও হুকুম দিয়ে ইয়ার পরে খের ফুল, জংগল,  
গাছ-গাছালি দেহা দিয়েক। আর ইয়ান হইয়ে।

এনগরি সইন্ক্যা গেইয়ে বেয়ানও  
গেইয়ে ইবা আছিলদে  
তিন লম্বর দিন।




ইবার পরদি ঈশ্বর সূর্য্য, চাঁদ আর এত বেশী তারা  
তৈয়ার গইজেদে কনিঝাই গুনিত ন পাররের।  
আর সহক্যাও গেইয়ে গোই বেয়ানও গেইয়ে  
গোই আর ইবা আছিলদে চাইর লম্বর দিন।



ঈশ্বরের পরর ফরদর মইদ্যে আছিল,  
পাখী, মাছ আর সমুদ্রর জন্তু। পাঁচ  
লম্বর দিনত ঈশ্বর গুড়া টুনটুনি পাখী  
আর লাম্বা পাখনাওয়ালা উটপাখী  
আর গুড়াগুড়া কেচকী মাছ, ডর ডর  
কিরিচর মত মাছ তৈয়ার গইজে।  
ঈশ্বর দুনিয়ার ঘের ভরাইয়ে দে নানা  
মাছ তৈয়ার গরি। আর নানা বইত্তা  
পাখী বইত্তা। আনন্দ গরে আকাশত  
সাগরত আর মাডির মইধ্যে। এনগরি  
সইন্ক্যা ও গেল গই বেয়ানও গেল  
গই। ইবা আছিল দে পাঁচ লম্বর দিন।




ইয়ার ফরে ঈশ্বর আবার কতা কইয়ে ঈশ্বর কইয়েদে মাডিরতুন এন বেককিন  
ফোক আর সরীসৃপ তৈয়ার ওখ জিউনরতুন নিজর নিজর জাতরে বাড়াইবার  
শক্তি থাকিব। এডে আছিলদে দুনিয়ার কাঁপাইবার-নান হাতিঅল আর ব্যস্ত  
মৌমাছিঅল। দুষ্টামি গরে দে বান্দর আর কুমির নানা বইত্তা ফোক, কাঠ-  
বিড়ালী আর হুঁদুররনান বিচ্ছিরি জন্তু দল বাধিয়েনে চলেদে লাম্বা গলাওয়ালা  
জিরাফ আর বিলাই। ঈশ্বর বেক ধরনের জানোয়ার ঐ দিনত তৈয়ার গইজে।  
এনগরি সইন্ক্যাও গেল গই, বেয়ানও গেল গই। ইবা হইয়েদে ছ লম্বর দিন।



ঈশ্বর ছ লম্বর দিনত আরও কিছু কাজ গইজিল। যিউনর মইধ্যে কিছু আছিলদে বেশী অসাধারণ বেক কিছু ঠিক গরি রাইক্লেদে মাইনষর লাই। এয়ার পর ঈশ্বর কইয়েদে, “আরা আরার অংগে মিল গরি মানুষ তৈয়ার গরি আর ইতারা দুনিয়ার বেক কিছুর উওরে রাজত্ব গরুক”। ইতাল্লাই ঈশ্বর ইবাঁর নিজর মতন গরিয়েনে মানুষ তৈয়ার গইজে। অয় ঈশ্বর নিজর মতন গরিয়েনে মানুষ বানাইয়ে।



ঈশ্বর আদমেরে কইয়েদ  
“তুঁই তৌয়ার ইচ্ছামত এই  
বাগানর মইধ্যে যে গাছরতুন  
মনে কয় এই গাছর ফল  
খাইত পারিবা কিন্তু ভালা  
খারাপ জ্ঞানের যে গাছছান  
আছে ইবার ফল তুঁই না  
খাইও। যদি ইবার ফল তুঁই  
খো তইলে খামাক্কাই  
তৌয়ার মরণ হইবা”



আর সদাপ্রভু ঈশ্বর কইয়েদে “মাইনষর গায় গায় থাকন ভালা নয়। আই তাৰে সাহায্য গরিবারল্লাই একজন তৈয়ার গইজ্জমা বেক পশু, পাখীগুন ঈশ্বর আদমের কাছে লই আইষ্যে। আদম ইতারার বেকগুনর নাম দিয়ে। আদম আসলে বেশী চালাকর অংগে এই কাম গইজ্জে। কিন্তু বেয়াক পশু পাখীঅলর মইধ্যে আদমরলাই কোন যোগ্য অংগী নো আছিল।”





ঈশ্বর আদমর মইধ্যে গভীর ঘুম আইনো। ঘুম জাদে এন সমত ইবারতুন  
এককান হাড্ডি লইয়েনে ঈশ্বর আদমর হাড্ডিরতুন একজন মাইয়ামানুষ  
তৈয়র গইজে। ঈশ্বরর তৈয়ার গড়া এই  
মাইয়া মানুষ আছিল দে আদমর লাই  
একজন সঠিক অংগী।



ঈশ্বর ছ দিনর মইধ্যে বেক কিছু তৈয়ার গইজ্জিল। এরফর ঈশ্বর সাত দিনরে আশীর্বাদ গইজ্জে আর এই দিনরে বিশ্রাম গরিবার দিন গরি তৈয়ার গইজ্জে। এদন বাগানর মইধ্যে আদম আর তার বউ হবা ঠিকভাবে আছিল। ঠিকমতন ঈশ্বরর কথাৰ বাইধ্য আর সুখী আছিল। ঈশ্বরই ইতারার দুইজনর প্রভু, বন্ধু আছিল আর বেক কিছুৰ যোগান দাতাও আছিল।



ঈশ্বর যেতে বেক কছি তৈয়ার গইজে

ঈশ্বরর বাইক্য পবিত্র বাইবেলের তুন গল্পওয়া লওয়া অইয়ে

গল্প ইবার মইদ্যে আছে দে

আদিপুস্তক ১-২ অধ্যায়

“তোঁয়ার বাইক্যই আঁর জীবনর আলোর কেবার (দরজা).”

গীতসংহিতা ১১৯:১৩০ পদ



শেষ



এই বাইবেলের কাহিনী ইবা যে, আরাৰে তৈয়াৰ গইৰগে এবং তিনি চান যেন আরা তাঁৰে জানি আৰাৰ সেই চমৎকাৰ ঈশ্বৰৰ ব্যাপাৰে আৰাৰে কয় ।

ঈশ্বৰ জানে যে, আরা খাৰাপ খাৰাপ কাম গইৰগি যিবাৰে ঈশ্বৰ পাপ কয় । পাপৰ শাস্তি মৰণ কিন্তু ঈশ্বৰ আৰাৰে বেশী ভালবাসে । তিনি তাঁৰ অগ্নো পোয়া যীশুৰে আৰাৰ পাপৰ লাই দ্রুশত মৰিবাৰলাই আৰ শাস্তি পাইবাৰ লাই পাঠাই দিইল । পরদি যীশু মৰনৰতুন জেয়াতা হইয়েনে স্বৰ্গৰ মধ্যে যে, ঘৰ আছে এডে ফিৰি গেইয়ে । যদি অনে যীশুৰে বিশ্বাস গৰণ আৰ অনৰ পাপৰ লাই তাঁৰ কাছে মাফ চন তইলে তিনি মাফ গৰি দিব । তিনি এহন আইয়েৰে আৰাৰ মধ্যে থাকিব আৰ অনেও তাঁৰ মধ্যে আজীবন থাইবেন ।

যদি অনে বিশ্বাস গৰণ যে ইবা হাঁসা তইলে ঈশ্বৰৰ কাছে এই প্রার্থনাওয়া গৰণ:  
প্রিয়া যীশু, আই বিশ্বাস গৰি দে, তুঁই ঈশ্বৰ আৰ আৰাৰ পাপৰ লাই মৰিবাৰ লাই মানুষ হইয়েনে জনুগ্ৰহণ গইৰজুইন । আৰ এহন তুঁই আবাৰ জীবিত আছন । দয়া গৰি আৰ জীবনত আইয়ো আৰ আৰ পাপ ক্ষমা গৰ যেন, আই এহনতুন নওয়া জীবন পাইত পাৰি আৰ এক দিন হাৰাজীবন তোয়াৰ অংগে থাইকতো যাইত পাৰি । আৰে সাহায্য গৰ যেন, তোয়াৰ আদেশ মানিত পাৰি । আৰ তোয়াৰ পোয়া হইয়েনে তোয়াৰ লাই জীবন কাটাইত পাৰি ।

বাইবেল পড়ন আৰ পোতুকদিন ঈশ্বৰৰ অংগে কথা কন (যোহন ৩:১৬) ।

